

# ❖ О ВАКЪТИ

О шъбърки,  
шъбъркинел андо вакъти...  
Глождинел лес гермусикане моса.

Ангеля пинанге щапкерен и гранка,  
о ливадес е ппувяленгере андо гогя...  
Антенес, посавен девлане погя,  
бериндеря апакяле е рименгере, жувля-  
амазонкес, веш-жунгла, поезия, безеха.

О хримитиме сап-църдуня, сусле  
чумиден лен уптал ко цамцаля-бах...  
Ангеля пинангоре, о гери бахтале,  
ингален ан пе гоненде космикане  
о ягале иле - инзарде кериматия,  
изсивде лафиеса презал орбитес:

“Най-бут дуккал, и дук-подгазиба!  
Нищо авер нанай едикки ахалутно,  
реално тай баръшутно!  
Амин си е лошаляке... Тай... Проклетия  
е цъмяке, чорипе, бидромалипе, отетия!  
Би милостиво геберди, саво мударел е  
Животоскоро сулухи живдо!”

О шъбърки,  
шъбъркинел андо вакъти... Деянибнаса...  
Разхал лес... Пребиянел лес...

Амин! И парола “Амин” са, те вакерас ла!  
Дур катар и туйнярин! Дур катар о зулуми!  
Анди ангали е бахтаке!  
Андо асайба е ккамипнаске!  
Те спастринас шужо, ккамало,  
о дариме аменге Дуйняс купате е Вакътиесар!  
Аманети! Дендо са vogiestar, харижиме аменге!  
Катар амаро Саюздели! Дел-Дад!

